

III. OUTRAS DISPOSICIÓNS

CONSELLERÍA DE TRABALLO E BENESTAR

RESOLUCIÓN do 22 de agosto de 2011, da Dirección Xeral de Formación e Colocación, pola que se convocan probas de avaliación en competencias clave para acceder ás accións formativas dos novos certificados de profesionalidade de nivel 2 e 3 de cualificación dentro da Formación Profesional para o Emprego na Comunidade Autónoma de Galicia.

O Real decreto 34/2008, do 18 de xaneiro, regula os certificados de profesionalidade e establece, como un dos elementos esenciais para incrementar a calidade da formación para o emprego, que en todos e cada un dos módulos formativos que conforman cada certificado de profesionalidade se determinen os criterios de acceso do alumnado, que asegurarían que estes contan coas competencias clave suficientes para cursar con aproveitamento a formación.

Estas competencias clave pódense demostrar ou acreditar, basicamente, estando en posesión de determinadas titulacións ou acreditacións oficiais de formación básica ou superando as probas específicas que demostrasen o seu dominio.

O Real decreto 1675/2010, do 10 de decembro, polo que se modifica o Real decreto 34/2008, do 18 de xaneiro, polo que se regulan os certificados de profesionalidade e os reais decretos polos que se establecen certificados de profesionalidade ditados na súa aplicación, no punto un do artigo primeiro e segundo modifica os requisitos de acceso á formación dos certificados de profesionalidade substituindo o concepto de competencias clave por requisitos formativos e profesionais e atribúelle á Administración laboral competente a determinación de cales serán eses coñecementos formativos ou profesionais suficientes que permitan cursar con aproveitamento a formación ao alumnado que queira acceder á formación dos certificados de profesionalidade dos niveis de cualificación profesional 2 e 3.

Para establecer e desenvolver na Comunidade Autónoma de Galicia estes requisitos formativos e profesionais aprobouse a Orde 12 de xullo de 2011 (DOG número 149, do 4 de agosto) pola que se establecen os requisitos formativos e se regulan as probas de avaliación en competencias clave.

A través desta orde, de cara a seguir fomentando a calidade e a integración da formación profesional, manteñense como requisito de acceso as competencias clave, como combinación de coñecementos, capacidades e aptitudes idóneas ao contexto, que lles permitirán ás persoas progresar no mundo do emprego e na formación, e para a súa realización e desenvolvemento profesional e persoal.

Na orde establécese tamén que a Dirección Xeral de Formación e Colocación, a través do Instituto Galego das Cualificacións, convocará, polo menos unha vez ao ano, probas de avaliación en competencias clave.

De conformidade co exposto, a través desta disposición, procede agora convocar un novo proceso de probas de avaliación, para facilitar que as persoas poidan acreditar as competencias clave que se requiren para acceder ás accións formativas dos novos certificados de profesionalidade.

Artigo 1. *Obxecto.*

O obxecto desta resolución é convocar probas de avaliación en competencias clave para o acceso ás accións formativas dos novos certificados de profesionalidade de nivel 2 e 3 de cualificación profesional da formación profesional para o emprego no ámbito da Comunidade Autónoma de Galicia.

Artigo 2. *Competencias clave que se convocan.*

1. Convócanse probas nos dous niveis, 2 e 3, nas seguintes competencias clave:

- Comunicación en lingua galega.
- Comunicación en lingua castelá.
- Comunicación en lingua estranxeira (inglés).
- Competencia matemática.
- Competencias en ciencia.
- Competencia en tecnoloxía.
- Competencia dixital.

Artigo 3. *Solicitud para participar nas probas de avaliación en competencias clave.*

1. A participación nestas probas deberá formalizarse presentado solicitude dirixida ao Instituto Galego das Cualificacións.

2. A devandita solicitude presentarse xuntando o modelo que figura no anexo I.

3. A solicitude poderá presentarse a partir do día seguinte á publicación desta resolución no DOG ata o 28 de setembro do 2011, no rexistro da Consellería de Traballo e Benestar, no Rexistro Xeral da Xunta de San Caetano (ambos en Santiago de Compostela), así como por calquera das formas establecidas polo artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

Artigo 4. *Documentación.*

As persoas aspirantes deberán acompañar á súa solicitude de inscrición:

a) Fotocopia do documento nacional de identidade, ou número de identificación de estranxeiro ou do pasaporte. A presentación da fotocopia do DNI ou NIE non será precisa se a persoa solicitante dá o seu consentimento para que se consulten os datos relativos aos citados documentos, de conformidade co previsto na Orde do 7 de xullo de 2009, pola que se desenvolve o Decreto 255/2008, polo que se simplifica a documentación para a tramitación dos procedementos administrativos e se fomenta a utilización de medios electrónicos, no que respecta á verificación de datos de identidade e residencia.

b) Se é o caso, certificado acreditativo de minusvalidez en vigor, para as persoas aspirantes con algunha minusvalidez que soliciten algún tipo de adaptación posible de tempo e medios para a realización da proba. Non será necesario presentalo no suposto de minusvalideces recoñecidas polo órgano competente desta comunidade autónoma.

Artigo 5. *Relación provisional e definitiva de persoas inscritas admitidas e excluídas.*

1. A relación provisional das persoas inscritas nas probas que fosen admitidas e, se é o caso, as excluídas, con indicación das causas de exclusión, será publicada polo Instituto Galego das Cualificacións na páxina web <http://traballoebenestar.xunta.es/>, e nos taboleiros de anuncios dos servizos centrais e das xefaturas territoriais da Consellería de Traballo e Benestar, nas datas indicadas no calendario que figura no anexo II.

2. As persoas inscritas poderán formular contra esta relación provisional de admitidos e excluídos as oportunas reclamacións, que se dirixirán ao Instituto Galego das Cualificacións no prazo de catro días hábiles.

3. A relación definitiva de persoas solicitantes admitidas e excluídas será publicada na páxina web <http://traballoebienestar.xunta.es/>, e nos taboleiros de anuncios dos servizos centrais e das xefaturas territoriais da Consellería de Traballo e Benestar, nas datas indicadas no calendario que figura no anexo II.

4. Contra a relación definitiva de persoas solicitantes admitidas e excluídas poderase interpor recurso de alzada, de conformidade co disposto no artigo 14 da Orde do 12 de xullo de 2011.

Artigo 6. Realización das probas de avaliación en competencias clave.

1. As probas de avaliación en competencias clave terán lugar nas datas indicadas no calendario da convocatoria que se inclúe no anexo II, que será exposto na páxina web <http://traballoebienestar.xunta.es/> e nos taboleiros de anuncios dos servizos centrais e das xefaturas territoriais da Consellería de Traballo e Benestar.

2. O candidato realizará unha proba por cada unha das competencias clave convocadas en que se inscribise. A duración da proba en cada competencia clave é dunha hora. A realización de cada unha das probas de avaliación seguirá a orde e o horario que se indica no anexo II desta resolución.

3. As probas terán lugar no recinto feiral de Silleda, en Silleda (Pontevedra).

4. Para a realización das probas as persoas aspirantes deberán ir provistas do documento nacional de identidade, do número de identificación de estranxeiros ou do pasaporte, así como materiais de escritura.

5. As persoas participantes nas probas terán cuberto o risco de accidente derivado da asistencia a estas.

Artigo 7. Comisións de avaliación.

1. O/a director/a xeral de Formación e Colocación, por proposta do/a director/a do Instituto Galego das Cualificacións, nomeará unha comisión de avaliación para as probas de competencia clave de nivel 2 e unha comisión de avaliación para as probas de competencia clave de nivel 3, que terán como sede o Instituto Galego das Cualificacións (rúa San Lázaro s/n, 15781, Santiago de Compostela).

2. Á vista do número de persoas aspirantes poderanse ampliar o número de comisións de avaliación. Así mesmo, poderanse incorporar ás comisións de avaliación o número de vixilantes e correctores que se considere preciso.

3. No caso de nomear correctores/as, estes formarán parte das comisións de avaliación para a realización das probas.

Artigo 8. *Resultados das probas.*

Os resultados das probas de avaliación estarán accesibles para as persoas que as realizaron, desde a páxina web da Consellería de Traballo e Benestar nas datas indicadas no calendario que figura no anexo II.

Artigo 9. *Reclamación contra as cualificacións.*

1. Contra a cualificación obtida poderá presentarse reclamación dirixida ao presidente ou presidenta da comisión, no prazo de 3 días hábiles contados a partir do día seguinte ao da publicación das cualificacións, no rexistro da Consellería de Traballo e Benestar, no Rexistro Xeral da Xunta de San Caetano (ambos en Santiago de Compostela), así como por calquera das formas establecidas polo artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

2. Contra a cualificación definitiva poderase interpor recurso de alzada, de conformidade co disposto no artigo 14 da Orde do 12 de xullo de 2011.

Disposición derradeira primeira. Autorízase o director/a do Instituto Galego das Cualificacións para ditar as instrucións necesarias para o desenvolvemento e execución desta resolución.

Disposición derradeira segunda. Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 22 de agosto de 2011.

Ana M.^a Díaz López

Directora xeral de Formación e Colocación



XUNTA DE GALICIA
CONSELLERÍA DE TRABALLO E
BENESTAR

ANEXO I



Acceso á formación de certificados de profesionalidade

PROCEDEMENTO INSCRICIÓN NAS PROBAS DE COMPETENCIAS CLAVE	CÓDIGO DO PROCEDEMENTO TR306A	DOCUMENTO SOLICITUDE
--	---	--------------------------------

DATOS PERSOAIS DO/DA SOLICITANTE

NOME	APELIDO 1	APELIDO 2	NIF/NIE
DATA NACEMENTO	IDADE	SEXO	<input type="checkbox"/> HOME <input type="checkbox"/> MULLER
ENDEREZO			
LOCALIDADE	PROVINCIA	CONCELLO	CÓDIGO POSTAL
CORREO ELECTRÓNICO		TELÉFONOS	

NIVEL EDUCATIVO

NIVEL MÁXIMO DE ESTUDOS FINALIZADOS CON TITULACIÓN
SE AGORA ESTÁ ESTUDANDO, INDIQUE QUE ESTUDOS REALIZA

Competencias clave nas que solicita facer proba (marque cun x o recadro ou recadros correspondentes):

<p>NIVEL 2</p> <input type="checkbox"/> Comunicación en lingua galega <input type="checkbox"/> Comunicación en lingua castelá <input type="checkbox"/> Competencia matemática <input type="checkbox"/> Comunicación en lingua estranxeira <input type="checkbox"/> Competencia en ciencia <input type="checkbox"/> Competencia en tecnoloxía <input type="checkbox"/> Competencia dixital	<p>NIVEL 3</p> <input type="checkbox"/> Comunicación en lingua galega <input type="checkbox"/> Comunicación en lingua castelá <input type="checkbox"/> Competencia matemática <input type="checkbox"/> Comunicación en lingua estranxeira <input type="checkbox"/> Competencia en ciencia <input type="checkbox"/> Competencia en tecnoloxía <input type="checkbox"/> Competencia dixital
--	--

Para as persoas aspirantes con algunha discapacidade que soliciten algún tipo de adaptación

<input type="checkbox"/> Discapacitado	PORCENTAXE %	CERTIFICADO ACREDITATIVO DE DISCAPACIDADE
		<input type="checkbox"/> Si <input type="checkbox"/> Non
Tipo de adaptación que solicita:		
<input type="checkbox"/> Ampliación do tempo	<input type="checkbox"/> Ampliación da letra	<input type="checkbox"/> Instrucións por escrito
<input type="checkbox"/> Outra adaptación (especificar no recadro)	<input type="checkbox"/> Intérprete de signos	

Autorizo a consellería, de conformidade co artigo 2 do Decreto 255/2008, do 23 de outubro, e coa Orde da Consellería de Presidencia, Administracións Públicas e Xustiza, do 7 de xullo de 2009, que o desenvolve, para a consulta dos meus datos de identidade no sistema de verificación de datos de identidade.

SI NON

NOTA: os datos persoais recollidos neste impreso poderán ser incluídos nun ficheiro para o seu tratamento pola Consellería de Traballo e Benestar da Xunta de Galicia (Orde do 12 de decembro de 2007, DOG n.º 250), no uso das funcións propias que ten atribuídas no ámbito das súas competencias. Poderase dirixir a calquera órgano desta para exercer os dereitos de acceso, rectificación, cancelación e oposición, segundo o disposto na Lei orgánica 15/1999, do 13 de decembro, de protección de datos de carácter persoal (BOE do 14 de decembro).
Fágome responsable da veracidade dos datos recollidos nesta solicitude.

<p>LEXISLACIÓN APLICABLE</p> <p><i>Resolución do 22 de agosto de 2011, da Dirección Xeral de Formación e Colocación, pola que se convocan probas de avaliación en competencias clave para acceder as accións formativas dos novos certificados de profesionalidade de nivel 2 e 3 de cualificación dentro da Formación Profesional para o Emprego na Comunidade Autónoma de Galicia.</i></p> <p>SINATURA DO/DA SOLICITANTE OU PERSOA QUE O/A REPRESENTA</p> <p>_____ de _____ de _____</p>	<p>(Para cubrir pola Administración)</p> <table border="1"> <tr> <td>RECIBIDO</td> <td>NÚMERO DE EXPEDIENTE</td> </tr> <tr> <td>REVISADO E CONFORME</td> <td>DATA DE ENTRADA</td> </tr> <tr> <td></td> <td>DATA DE EFECTOS</td> </tr> <tr> <td></td> <td>DATA DE SAÍDA</td> </tr> </table>	RECIBIDO	NÚMERO DE EXPEDIENTE	REVISADO E CONFORME	DATA DE ENTRADA		DATA DE EFECTOS		DATA DE SAÍDA
RECIBIDO	NÚMERO DE EXPEDIENTE								
REVISADO E CONFORME	DATA DE ENTRADA								
	DATA DE EFECTOS								
	DATA DE SAÍDA								

Instituto Galego das Cualificacións
Edificio administrativo San Lázaro, s/n, 15781 Santiago de Compostela



XUNTA DE GALICIA

ISSN1130-9229

Depósito legal C.494-1998

<http://www.xunta.es/diario-oficial-galicia>

ANEXO II
 Calendario das probas

	Prazos	Datas
Prazo presentación solicitudes		Ata o 28 de setembro
Lista provisional de admitidos		11 de outubro
Presentación de alegacións	4 días hábiles desde a publicación da lista provisional	13 ao 17 de outubro
Lista definitiva de admitidos		26 de outubro
Realización das probas Competencias clave de nivel 2 Competencias clave de nivel 3		29 de outubro 5 de novembro
Resultados provisionais das probas	Máximo 15 días desde a realización das probas	14 novembro 21 novembro
Presentación de reclamacións	3 días hábiles desde a publicación dos resultados	15 ao 17 novembro 22 ao 24 novembro
Resultados definitivos das probas		2 de decembro

Horario das probas

Todos os candidatos deberán presentarse media hora antes do inicio das probas en cada competencia clave para seren chamados por orde alfabética

Competencia clave	Día		Hora
	Nivel 2 Día 29 de outubro	Nivel 3 Día 5 de novembro	
Matemáticas	Sábado mañá		Das 10.00 ás 11.00
Lingua castelá	Sábado mañá		Das 11.30 ás 12.30
Lingua galega	Sábado mañá		Das 13.00 ás 14.00
Lingua estranxeira (inglés)	Sábado tarde		Das 15.30 ás 16.30
Ciencia	Sábado tarde		Das 17.00 ás 18.00
Tecnoloxía	Sábado tarde		Das 18.30 ás 19.30
Dixital	Sábado tarde		Das 20.00 ás 21.00